

TITINE

(A l' après dèss "Trifouyaedjes dèl morâlè" do Dîvin Mârkeu d' Sâde)

(5)

On djandârme à grosse mostatche vinéve dimander on côp d' mwin : s' vwèture avéve mau pris on toûnant èt s' daler s' rêtassî dins lès bouchnisses èt roncias d' l' urêye. "Porîz m' lèyî doner on côp d' tèlefone à l' Brigâde ?" Çà si poléve nén rifuser, ènndon ?

Dîj minutes pu taurd, l' mwin à s' kèpi, tot anoyeu, l' ome duvéve èspliker k' ça riskéve di dmèrer durer djusk'a taurd dins l' nût : "L' èkipe di wârde n' va nén polu vnu nos dèpaner tot chûte..."

- I gn'a rén avou ça, savoz, on vos va instaler à l' cunjène èt vos dner one boune jate di tchaud cafeu. Èstoz tot seû ?
- Non.na, nos èstant à trwès po z-amwinrner on prijonî au yoyo.
- Alèz don lès cwèri èt vos mète tèrtos à iute. L' tims va s'mète à l' plouve.
- C' n'èst nén di rfus.



Lès euwes tchèyîne dèdja à rlaye kan li ptite trope a muchî dins l' colidor. Au mitan, d' trwès fwârts omes ène mwèje dèdja tote frèche covèrte di l' armêye muchéve ène sakî.

- Maria Dèyi ! mins c' è-st-ène bauchèle !

L' drap vinéve di lèyî passer l' fén èt doû vizådje d' ène djon.ne comére. Li rèsse do cwârp a chûvu èt ièsse si avnant ki Mossieu d' Cwarville l' a vnu l' voye di tot près.

- K'a t-èle don fait d'si fé po k' vos fuchî à trwès po l' wârder èt k' lèye euche dèss munotes auzès pougnèts ?

- C' èst l' vray k' èle a l' air d' ièsse bén onête èt tote djintîye mins, d' après nosse fouye di rote c' èst-ène voleuse, ène criminèle èt minme k' èle aréve sititchî l' feu à ène maujone ! On s' sént tot bièsse mins i nos faut fé c' k' on nos dit d' fé.

- Èst-ce ki c' n'èst nén co là ène bièstrîye d' champète di vilådje ?

- Non.na, èle duvréve bén rade passer au Tribunâl.

L' tèlefone s' a mètu à soner. C' èstéve li Brigâde : nén moyin d' polu vnu lès rascoude dvant l' lèdmwin à l' pikète do djoû.

- I gn'a rén avou ça. On vos va lodjî po l' nût. A l' guère come à l' guère, on vos va mète tèrtos dins l' min.me tchambe èt radjouter dèss matrasses, a tot t' shûte, a dit l' Comte.

- Mins, èt l' prijonère ? s'a rècriyî Yèyète.

Lèye, k' avéve ène si bèle situâcion après lès awè fé totes, si sintéve tote trisse di voye ène si bèle djon.nète l' ièsse dins ène si mwèje.

- Choûtèz-m', a-t-èle radjouté, vos l' ploze disloyî èt l' lèyî passer l' nût dins m' tchambe. A l' voye si djintîye, dji mètréve mi mwin au feu k' èle ni va nén sayî d' pèter èvoye.

Lès djandârmes n' èstfîne nén contrîre èt Yèyète savéve comint cauzer aus maûles . Tot d' min.me, après awè bén mougî èt vûdi deus bounes botêyes di vin, l' pus d' djon.ne dèss omes s' a vnu achîre dsus ène tchèyère d'vant l' uch dèl' tchambe dèl' comtèsse èt, ène miète avant di s' mète à ronfèler, ètinde :

On comache todi...

- Vos voloz don conèche l' istwêre di m' pôve vikêrte ?...

On comache todi...